

# ادبیات عمومی و سیمپوزیومی

هفته‌لق سیاسی ، ادبی و علمی غزته‌در .

جلد : ۱

سنه : ۱ ۲۴ ربیع‌الآخر ۱۳۳۵ جمعه ایرتسی ۴ شباط ۱۳۳۲ نومرو ۱۶

## فاتح عصرنده اندرون هایون تشکیلاتی

جنتمکان فاتح سلطان محمد خان حضرتلری قسطنطنیه فتح جلیلی موفقیتنی استحصال ایتدکن بر مدت صکره ، ذات شاهانه‌لرینه و پادشاهان عظام حضراتنه مقر سلطنت اولوق اوزره آیاصوفیه ایله سرای برونی آره‌سنده قره جهتی عظیم سور ایله احاطه ایدیله‌رک وجوده کتوریلان بی نظیر ساحه دلکشاده انشا ایتدیردکلری یکی سرایک بر قسیمی ، حریم سلطنت یعنی موقع تعظیم و حرمت اولدینی ایچون اندرون — حرم نام محترمی ایله یاد اولمشدر .

اندرونه مدخل ، سرای ملوکانه‌نک، باب هایون و باب السلام و باب السعاده نام‌لریله یاد ایدیلان سلطنت قاپولرینک اوچنجیسی بولنان باب السعاده‌در . بو قاپو داخلنده پادشاهلر حضراتنک آرام‌لرینه مخصوص عالی قصرلر ، اندرون‌لیرک اسکانه مخصوص معتنا دائره‌لر ، کتبخانه‌لر ، جامع‌شریف‌لر ، تعلیم‌خانه‌لر ، مشق‌خانه‌لر انشا ایدلمشدر .

اندرون خدمات عاصمه‌سنده بولنانلرک رکن اولی و آمری سرای داخل و خارجنده خدمت کورن سرای خلقنکده مرجعی اولان باب السعاده اغاسی « قاپو اغاسی » ایدی . قاپو اغاسی وظائف مهمه و معتناسنه سلطنت نکهبانلغی‌ده داخل اولدیغندن آغا ، سفرده و حضرده و جامع شریفه عزیمت و عودتده معیت شاهانه‌دن دور اولمز ، یالکز صیدوشکار و تفریح زمانلرنده حفظ وصیانت و وظیفه‌سیله مکلف اولوق اوزره سرایده قالدور ایدی . اندرونده برداثرده اقامت ایتک امتیازی قاپو اغالرینه منحصر ایدی .

اندرون ارکانی قاپو اغاسنک امرلرینی مطاوعت کامله ایله تلقی ایدرک اجرا ایتسی قانون ایجابی ایدی .

بیوک اوطیه منسوب اندرون‌لیردن اناختاره ، پشکیره و شربته متعلق و بوکا مماثل خدماتی ایفا ایتک اوزره معیتنده درت ایچ اغاسی استخدام ایدر ایدی .

بو حق استخدام ، وظائفی آتیده کوستریله‌جک دیگر اوچ سرای ارکانه‌ده بخش اولمش ایدی ؛ خزینه‌دار باشی خزینه قغوشندن ، کیلارجی باشی کیلاردن ، سرای اغاسی بیوک اوطه‌لیر قغوشندن خدمتکار آلور ایدی .

دائر معلوماتی و تربیہ اسلامیہ و عادات عثمانیہ دائرہ سندہ حسن معاشرت و الفتہ متعلق اصول و آداب، او کرمکله مکلف ایدی .

ابتدائی تحصیلرینی قغوشلرده بولنان صربی و خلیفہ لری « مذا کرہ جی » تحت تعلیمندہ ا کمال ایدن عجمیلرک سویہ عرفانلری ، مرتبہ تحصیللری یوکسلدیک اوزره معین اوقاتندہ درسخانہ لرده اثبات وجود ایدن سرای خواجه لرندن علوم و فنون حاضرہ یی دخی ترتیب موضوعی اوزره تدریس و تعلم ایدرلر ایدی . ایام مخصوصہ ده جندیلاک ، کاشکاشک و جرید بازلاک و پونلرہ عائد ادمانلری و ملکہ و مهارتلری اکتساب اتمکله وقت کچیرلر ایدی .

فاغ حضرتلری بوتشکیلات ایله و اخلاف جلادت اتصافی تشکیلات واقعہ یی ادامه ایله تعقیب ایلدکلری علوی غایہ ، وطنک سلامت حال و استقبالی ایچون علم ، فضیلت و بسالت ایله متعلی ارکان و رجال یتشدیرمک اولدینی تاریخ ایله ، وقایع ایله ، ثابت اولسنہ کورہ ، اندرون اعصار سابقہ نک مکتب حربیہ و ملکیہ سی حکمنده ایدی .

ماہظ محمد رفیوہ

### ابن موسی دن ؟

شب مهتاب خندہ ملکوت ،  
اختران ، سامعین بزم سکوت .  
خواب راختده کوه راجه زان ،  
بادزن بر نسیم روح افزا .

\* \* \*  
بو سکوة ، آخرت سرود یتیدر ؟  
یا اونک مزده و رودی میدر ؟  
چار پیور قلبه ، قلب پرخلجان !  
جنمی یارب ، نهدر او آفت جان ؟  
بگیا بردن عجب نه حال اولدی ؟  
آه واه ایتماک محال اولدی !  
آه او گوزلر ، اوقانلی مشعلہ لر ،  
هانگی نیردن اخذ نور ایلر ؟  
گه یشیل گه سیاه و گه ماوی .  
اونه مبہم جمال سوداوی ! . . .  
دها قورتلدم بو میدانده :  
صانکہ روجم شو آندہ زندانده !  
منحصر قالدی مشغلم عشقه  
حوصلہم برشی آلیور بشقه !  
نہدہ جانسوز ایش او جسم اثیر ،  
اولز آتشدہ او یله بر تأثیر !

بگزیور گه خیاله ، گه ملکه  
 اوچه جق حالدہ دائما فلکه  
 حیرت افزای ساجد و مسجود  
 اوله من دنیوی بر او یله وجود !  
 هر تجلیسی بونده لیلی در .  
 زهره دندر او ، یا سهیلی در !

عبدالحی هاشم

### فضولی کیبی

روحم آواره ، کوزم بی اشک ، فکرم بی مدار ؛  
 فطرم محزون ، وجدانمده محنت بر قرار .  
 شعره مفتونم ، خیالمدن محاسن منفعل ؛  
 آهه مجلوبم ، سکوتمدن فغانلر تارمار .  
 شاعرم ، شعرم فقط قلبمده مدفون بر غریب ؛  
 نظره دلداره ، نور حقه اولماز آشکار .  
 عاشقم ، عشقم فقط جانانه چیقماز آشنا ؛  
 مشرق عمرمده غارب بیک خیال کربه بار .  
 گوشه هجرانده بر سرمست زهر محنتم ،  
 جام وصلتمدن نصیب عمرم انجاق انکسار .  
 کوردیکم هر آفت نازک جمالمدن اولور  
 چهره حسن مجرد پرده دار اغبرار .  
 لیل مغمو مده تبرید روان ایلر نیم  
 وصلت امید ایتدیکم هر نازنین آغوش حار .  
 روح جسممدن پشیمان ، قلب جامعدن ملول ،  
 کربه چشممدن کریزان ، ناله آهمدن نزار !  
 دائما نالنده در قارشده صولغون بر خیال ،  
 متصل فریاد ایدهر قلبمده علوی بر هزار !

ایلول ۱۳۰۸

علی اکرم